

益齋集

附拾遺
墓誌

一



臺灣與中國郵票設計

／



益

齋

集

附拾遺
墓誌

一

李齊賢
撰

中華書局

益

齋

集

附拾遺
墓誌

二

李賢撰

中華書局

叢書集成初編

益齋集 附拾遺墓誌 二冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

此據粵雅堂叢書
本排印初編各叢
書僅有此本

益齋先生亂藁序

元有天下。四海旣一。三光五嶽之氣。渾淪磅礴。動盪發越。無中華邊遠之異。故有命世之才。雜出乎其間。沈浸醲郁。攬結粹精。敷爲文章。以資飾一代之理。可謂盛矣。高麗益齋先生。生是時。年未冠。文已有名當世。大爲忠宣王器重。從居輦轂下。朝之大儒搢紳先生。若牧菴姚公。閻公子靜。趙公子昂。元公復初。張公養浩。咸游王門。先生皆得與之交際。視易聽新。靡厲變化。固已極其正大高明之學。而又奉使川蜀。從王吳會。往返萬餘重。山河之壯。風俗之異。古聖賢之遺迹。凡所謂閱博絕特之觀。旣已包括而無餘。則其疎蕩奇氣。殆不在子長下矣。使先生登名王官。掌帝制。優游臺閣。則功業成就。決不讓向之數君子者。歟而東歸。相五朝。四爲冢宰。東民則幸矣。其如斯文何。雖然。東人仰之如泰山。學文之士。去其靡陋而稍爾雅。皆先生化之也。古之人。雖不登名王官。而化各行於其國。餘風振於後世。如叔向。子產。何可小哉。佐天子號令天下。人孰不慕之。而名之傳否。有不在彼而在此。尙何恨哉。先生著述甚多。嘗曰。先東菴尙未有文集行於世。況小子乎。故於詩文旋作旋棄。而人輒藏之。季子六府少卿彰路。長孫內書舍人寶林。相與哀篤爲若干卷。謀所以壽之梓。命余序。余曰。先生所撰國史。尙不免散逸於兵。矧片言隻字爲人簞篋者。燬燼何疑。則若干卷不可不亟刊行也。二君其勉之。嗚呼。余豈知言者哉。仍父子爲門生。不敢讓。姑志所見云。至正二十三年正月初吉。前應奉翰林文字承事郎。同知制誥。兼國史院編修官。正順大夫。密直司右

證齋集序

代言、進賢館提學、知製教、充春秋館修撰官、知軍簿司事、韓山李穡序。

益齋亂藁卷第一

鳳州龍湫

高麗 李齊賢 仲思撰

山前翠石雙屏啓。石底澄潭萬丈深。明浸日光紛閃閃。冷涵林影淨沈沈。斯民政要滋湯旱。彼相誰堪作說霖。出沒魚兒休察見。龍應先遣試人心。

楊花

似花非雪最顛狂。空闊風微轉渺茫。晴日欲迷深院落。春波不動小池塘。飄來鉛砌輕無影。吹入紗窗細有香。卻憶東臬讀書處。半隨紅雨撲空牀。

楊安普國公晏太尉藩王于玉淵堂

湖上華堂愜素聞。國公開讌樂吾君。十千美酒鸕鷀杓。二八佳人翡翠裙。茵菖香中聽過雨。菰蒲影際見行雲。笙歌未歇輪蹄鬧。漠漠西山日欲曛。

七夕

脈脈相望邂逅難。天教此夕一團圓。鵲橋已恨秋波遠。鴛枕那堪夜漏殘。人世可能無聚散。神僊也自有悲歡。猶勝羿婦偷靈藥。萬古羈棲守廣寒。

定興路上將之成都

雨餘泥滑路逶迤。兀兀征鞍撼四支。安坐豈償男子志。遠遊還愧老親思。野桑翳翳風來少。村樹茫茫日下遲。早晚歸來報明主。卻尋鷄黍故人期。

過中山府感倉唐事

倉唐爲誰者。魏國一陪臣。敦詩又說禮。幽語皆中倫。一言悟人主。遠子復相親。古今竹帛上。誰其君與鄰。至誠說狄相。純孝稱封人。願令四海民。共祠此三仁。一見一感發。天理不胥淪。

井陘

岡巒迴合井陘口。驅馬崎嶇登翠阜。英雄事去幾千載。尙有威名凜如在。卻憶淮陰布衣時。風雲壯志無人知。一朝登壇輔眞主。下視噲等如嬰兒。火旗焰焰驚趙壁。鯨鯢血污蓮花鏑。燕齋草木靡餘風。劉項乾坤傾一諾。千金不購廣武君。萬全奇策誰當陳。乃知百戰戰必勝。不在多多益辦。只在屈己能從人。

過祁縣感祁奚事

吾愛晉朝祁大夫。爲君能舉午與□。乾坤自有公道在。肯以恩怨爲賢愚。不教遺直困陸沈。拂袖一去雲無心。當時囁咤來相謝。叔后豈是真知音。嗟哉此道日已微。對面九疑多是非。臨歧弔古一長嘆。吾非斯人誰與歸。

汾河

汾河日夜流浩浩。兩岸行人幾番老。陶唐舊物山獨在。萬古興亡青未了。劉郎曾此歌秋風。簫鼓動地愁

魚龍平生謾有凌雲志。未見仙人冰雪容。

豫讓橋

一片荒橋石。誰留國士名。山含千載憤。日照九泉誠。不爲恩難報。徒求事易成。此言真有激。邪佞合心驚。

黃河

黃河西流自崑崙。漢使乘槎肯窮源。崑崙山高幾千仞。天河倒瀉流渾渾。崩騰九曲轉坤軸。浩蕩萬里浮天根。有如楚漢戰垓下。千兵萬馬驅平原。橫流往往不可止。泛溢四野愁黎元。擘開兩山俾東注。辛苦巨靈留掌痕。塞予少年遊海上。豪氣欲跨莊生鯤。西江真堪一口吸。雲夢不足胷中吞。今日沙頭欲解纜。兀坐不覺驚魂魄。腥風打頭浪如屋。長帆遠與山相掀。篙師絕叫汗流藩。日暮未到南岸村。我不是焚舟孟明視。期爲秦民一雪無窮冤。又不是投壁晉公子。誓與舅氏不負平生言。鐵牛有知應解笑。胡爲涉險西南奔。

張希孟侍郎見示江湖長短句一篇以詩奉謝

天斬文章數百年。一時輸與濟南賢。縱橫寶氣豐城劍。要妙古音清廟絃。便覺有功名教事。誰言費力短長篇。張侍郎昭朱晦菴祠堂云。公若有靈。應笑我徒費力短長篇。興來三復高聲讀。萬里江山只眼前。

張侍郎詩附

三韓文物盛當年。刮目青雲又此賢。壯志玉虹纏古劍。至誠石虎裂驚絃。一鞭嵐翠遊山騎。滿紙珠璣

詠月篇。此去浣花春政好。白鷗應爲子來前。

奉和元復初學士贈別

昔從傾蓋眼能青。載酒同遊遍洛城。直欲執鞭如魯叟。豈惟結襪比王生。感公燈火三更話。慰我關山萬里行。更得新詩入囊褚。劍南人識汝南評。

元學士詩附

峨嵋山色夢中青。人自雞林使錦城。九域圖經歸一姓。四川風物契三生。捫參歷井眞虛語。詠月吟風足此行。細問孔明當日事。遼東卻對幼安評。

蜀道

此山從古有此道。幾時開。不借夸鳩手。誰分混沌胚。天形旂尾擲。岡勢劍鋌摧。霧送千林雨。江奔萬里雷。班班穿蒼鬱。蟲蟲上崔嵬。下馬行難竝。逢人走卻迴。驚猿空躑躅。去鳥但徘徊。才喜晨光啓。俄愁暮色催。金牛疑妄矣。流馬笑艱哉。寄謝題橋客。何須約重來。

八月十七日放舟向峨眉山

錦江江上白雲秋。唱徹驪駒下酒樓。一片紅旂風閃閃。數聲柔櫓水悠悠。雨催寒櫓歸漁店。波送輕鷗近客舟。孰謂書生多不偶。每因王事飽清遊。

諸葛孔明祠堂

羣雄蜂起事紛拏。獨抱經綸臥草廬。許國義高三顧後。出師謨遠七擒餘。木牛流馬誰能了。羽扇綸巾我自知。千載忠誠懸日月。回頭魏晉但邱墟。

阻友符文鎮

峽雲蓬勃送秋霖。野店荒涼生暮陰。剛厭灘聲戰窗牖。更堪山瘴襲衣衾。百年身世千般計。萬里庭闈一片心。安得長風吹掃盡。仰看紅日上重岑。

登峨眉山

蒼雲浮地面。白日轉山腰。萬像歸無極。長空自寂寥。

雷洞平

胡孫梯高天尺五。石路蜿蜒細於縷。路傍大樹驚白晝。七十二神開洞府。奇巖壁立下無底。鴻洞雲嵐自吞吐。崖崩石出絕難度。惡木縱橫若相補。颯颯何處瀉奔流。俯聽遙空喧萬鼓。有時雨雹亂晴天。過客屏氣誰敢侮。腐儒一見動心魄。兩眼昏花汗如雨。也知平生足游觀。何事窮山愁仰俯。君不見天上金門似海深。仗衛森嚴羅九虎。狂夫雀躍蹈危機。達士龍潛臥環堵。

眉州

吾大人三昆季。俱以文筆顯於東方。伯父季父。相次仙去。唯公無恙。年今七十有奇。若使北來。得與中原賢士大夫進退詞林間。雖不敢自比於蘇家父子。亦可以名動一時。顧水陸千里。干戈十

年所處而安。無慕乎外。故天下莫有知之者。

眉山僻在天一方。滿城草木秋荒涼。過客停驂必相問。道傍爲有三蘇堂。三蘇鬱鬱應時出。一門秀氣森開張。渥洼獨步老騏驎。丹穴雙飛雛鳳凰。聯翩共入金門下。四海不敢言文章。邇來悠悠二百載。名與日月爭輝光。君不見雞林三李亦人傑。翰墨壇中皆授鉞。韓泊繩樞笑無用。王家珠樹譽成癖。機雲不入洛中來。皎皎滄洲委明月。兩雄已矣不須論。家有吾師今白髮。坡云。葛可忘憂家有師。

思歸

扁舟漂泊若爲情。四海誰云盡弟兄。一聽征鴻思遠信。每看歸鳥嘆勞生。窮秋雨鏤青神樹。落日雲橫白帝城。認得萼羹勝羊酪。行藏不用問君平。

上灘

乘流東去汭流還。客寢何時得小安。水落沙堆銖亦重。崖崩石出寸猶難。不妨聽雨留連睡。且喜逢山仔細看。只媿郵人牽百丈。汗流終日走江干。

促織

促織復促織。哀鳴何惻惻。終夕弄機杼。平明無寸縷。娶婦才聞淚似泉。征夫一聽凋朱顏。春風融暖花著子。夏景舒長燕成壘。胡爲不自謀。直待霜清露冷方知秋。促織爾何愚。日月豈肯爲爾留須臾。

聽堯道士彈秋風

我雖不能音。好琴莫如我。苟能得其趣。自謂不學可。我來蜀中何所聞。鼓笛紛紛耳欲破。聽之亂吾真。之恐遭罵。不謂古仙翁。玩世在城中。迎我在廬室。爲我鳴絲桐。一鼓塵懷清。再鼓古意生。玉篆烟消人悄悄。整襟更作秋風調。慘慄兮秋之爲氣也。霜露漸漸兮木葉下。望白雲兮征鴻哀。江水悠揚兮山崔嵬。嗟爾遠道之人兮。胡爲乎來哉。豈辭引滿玻璃鍾。此時此客心無窮。

路上自蜀歸燕

馬上行吟蜀道難。今朝始復入秦關。碧雲暮隔魚鳧水。紅樹秋連烏鼠山。文字剩添千古恨。利名誰博一身閒。令人最憶安和路。竹杖芒鞋自往還。

函谷關

形勝平看十二齊。下臨無路上無梯。土囊約住黃河北。地軸勾連白日西。天意已歸三尺劍。人心豈恃一丸泥。秋禾滿畝風塵靜。穩跨征鞍聽午雞。

澠池

強秦若翼虎。懦趙眞首鼠。特會非同盟。安危在此舉。蘭卿膽如斗。杖劍立左右。叱咤生風雷。萬乘自擊缶。桓桓百萬兵。一言有重輕。廉頗伏高義。犬子慕遺名。駕言上遊去。我今幾秋餘。威起毛髮。萬木寒飈颺。

二陵早發

予之將如成都也。內翰松雪趙公子昂以古調一篇相送。有勿云錦城樂早歸。乃良圖之句。十月

北歸雪後二陵道中忽憶其詩作此寄呈

夢破郵亭耿曉燈。欲乘鞍馬覺凌兢。雲迷柱史燒丹竈。雪壓文王避雨陵。觸事誰知曾碌碌。吟詩只得髮鬢髹。巖巾折角裘穿縫。羞向龍門見李膺。

趙學士詩附

三韓望巴蜀。相去萬里餘。棧閣如登天。劍門不可踰。誰令觸炎熱。鞍馬事馳驅。王事有期程。吾敢永安居。道路何緬邈。山川亦盤紆。賴彼多古蹟。庶可慰躊躇。勿云錦城樂。早歸乃良圖。秋高天氣清。矯首西南隅。

渡孟津

旄鉞空煩叱逆流。山河曾未屬西周。陽侯不媿夷齊義。莫比黃龍負禹舟。

比干墓

墓在衛州北十許里。蓋周武王所封。而唐太宗貞觀中道過其地。自爲文以祭。其石刻剝落。亦可識一二焉。夫二君之眷眷于異代之臣者。豈非哀其忠。愍其死乎。而武王忽伯夷於勝殷之後。太宗疑魏徵於征遼之日者何耶。因作此詩。亦春秋責備賢者之義也。

周王封墓禮殷臣。爲惜忠言見殺身。何事華陽歸馬後。蒲輪不謝採薇人。從來忿欲蔽良知。日暮令人有逆施。胥矣親祠比干墓。胡然卻仆魏徵碑。

燕都送朴忠佐少卿東歸

春風喜氣滿庭闌。稱意新官馬似飛。慚愧西山子規鳥。何人勤道不如歸。

和呈趙學士子昂

珥筆飄纓紫殿春。詩成奪得錦袍新。侍臣洗眼觀風采。曾是南朝第一人。

風流空想永和春。翰墨遺蹤百變新。千載幸逢真面目。況聞家有衛夫人。學士夫人管氏亦工書。

松郡送朴少卿忠佐北上

玉管停三疊。金杯勸十分。但應期報主。不用惜離羣。草盡駝鳴磧。風高鴈叫雲。平生四方志。清夢又隨君。

登鵲嶺

烟生渴肺汗如流。十步真成八九休。莫怪後來當面過。徐行終亦到山頭。

送從兄君實典籤赴任三陟追錄

指李家中翰墨仙。湖山勝地佩韋絃。登樓更長新詩價。清夢相尋謝惠連。

君實兄男達中魁登司馬試

顛倒銀袍再拜難。下堂攜手淚潺潺。咄嗟賀宴誰能辦。腸斷無人爲翦鬟。舉進士者多儒家子弟。聞唱勝飯。故俗呼爲然。

飯宴。言其咄嗟。

九曜堂